



Bosnia and Herzegovina  
Federation of Bosnia and Herzegovina

**CANTON SARAJEVO**  
Anti-Corruption Office

**Broj:** 20-04-341-972/26 TB  
**Sarajevo,** 23.06.2026. godine

**SKUPŠTINA KANTONA SARAJEVO**  
**KABINET PREDSDJEDAJUĆEG I ZAMJENIKA PREDSDJEDAJUĆEG**  
**SKUPŠTINE KANTONA SARAJEVO**  
*n/r Predsjedavajućeg Skupštine - Elvedin Okerić*

**PREDMET:** Zastupnička inicijativa zastupnika Selmanović Faruka,  
odgovor, dostavlja se.-

**VEZA:** Vaš akt broj: 01-04-31246-4/26 od 17.06.2026. godine

Vežano za Vaš akt broj i datum veze, u prilogu Vam dostavljamo odgovor na zastupničku inicijativu zastupnika Selmanović Faruka.

S poštovanjem,



**PO OVLAŠTENJU ŠEFA UREDA**

Priloga: 3.

Dostaviti:

1. Naslovu;
2. a/a.



Bosnia and Herzegovina  
Federation of Bosnia and Herzegovina

CANTON SARAJEVO  
Anti-Corruption Office

**Broj:** 20-04-341-972/26 TB  
**Sarajevo,** 23.06.2026. godine

**SKUPŠTINA KANTONA SARAJEVO  
KABINET PREDJEDAVALJUĆEG I ZAMJENIKA PREDJEDAVALJUĆEG  
SKUPŠTINE KANTONA SARAJEVO  
n/r Predsjedavajućeg Skupštine – Elvedin Okerić**

**Predmet:** Zastupnička inicijativa zastupnika Selmanović Faruka, odgovor, dostavlja se.-

Veza: Vaš akt broj: 01-04-31246-4/26 od 17.06.2026. godine

U okviru 31. radne sjednice Skupštine Kantona Sarajevo, zastupnik u Skupštini Kantona Sarajevo Faruk Selmanović je dana 17.06.2026. godine, postupajući u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24), uputio zastupničku inicijativu Ministarstvu za boračka pitanja Kantona Sarajevo, Uredu za borbu protiv korupcije Kantona Sarajevo, Kantonalnoj upravi za inspekcijske poslove Kantona Sarajevo, kao i Javnoj ustanovi Memorijalni centar Sarajevo, kojom se zahtijeva sveobuhvatan nadzor nad radom JU Memorijalni centar Sarajevo, s posebnim akcentom na organizaciju rada zaposlenika, donošenje odluka o radu na dane sedmičnog odmora, postupanje prema zaposlenicima koji se nalaze na bolovanju, kao i eventualne zloupotrebe službenih ovlaštenja u oblasti upravljanja ljudskim resursima.

S tim u vezi, ukazujemo da je Vašom ranijom zajedničkom inicijativom sa zastupnicom Sebijom Izetbegović, broj: 01-04-57021/36/25 od 26.01.2026. godine, također zatraženo provođenje sveobuhvatnog nadzora nad radom JU Memorijalni centar Sarajevo. Navedena ranija inicijativa, između ostalog, sadržavala je i upit koji se odnosi na stanje međuljudskih odnosa, kao i na radno-pravni status uposlenika navedene javne ustanove. S tim u vezi, a nakon provođenja postupka provjere navoda, na istu je dostavljen odgovor broj: 20-04-341-871/26 DV od 08.06.2026. godine, koji Vam, radi potpunog uvida, ponovo dostavljamo u prilogu.

Ujedno, u prilogu Vam dostavljamo i Rješenje Ministarstva za boračka pitanja Kantona Sarajevo, broj: 06-04-29944/26 od 09.06.2026. godine, kojim je JU Memorijalni centar Sarajevo naloženo otklanjanje svih nedostataka utvrđenih u obavljenom inspekcijskom nadzoru Kantonalne uprave za inspekcijske poslove Kantona Sarajevo, a koji se odnose na oblast zapošljavanja i upravljanja ljudskim resursima, kao i strogo poštivanje svih zakonskih, podzakonskih i općih propisa, te internih akata ustanove iz oblasti radnih odnosa.

Zaključno, napominjemo da će Ured, u okviru zakonom propisanih nadležnosti, nastaviti pratiti postupanje nadležnih organa u pogledu preostalih navoda iz Vaše inicijative, te će, po potrebi,

preduzimati dalje aktivnosti u skladu sa važećim propisima o čemu ćete blagovremeno biti obaviješteni.

S poštovanjem,

**PO OVLAŠTENJU ŠEFA UREDA**

Dostaviti:

1. Naslovu;
2. a/a





Bosnia and Herzegovina  
Federation of Bosnia and Herzegovina

CANTON SARAJEVO  
Anti-Corruption Office

Broj: 20-04-341-871/26 DV  
Sarajevo, 08.06.2026. godine

OT... FNO

10-06-2026

potpis

SKUPŠTINA KANTONA SARAJEVO  
KABINET PREDSEDavajućEG I ZAMJENIKA PREDSEDavajućEG  
SKUPŠTINE KANTONA SARAJEVO  
n/r Predsjedavajućeg Skupštine - Elvedin Okerić

**PREDMET:** Zastupnička inicijativa zastupnice Sebije Izetbegović i zastupnika Selmanović Faruka, odgovor, dostavlja se.-

**VEZA:** Vaš akt broj: 01-04-57021-36/25 od 26.01.2026. godine

Vežano za Vaš akt broj i datum veze, u prilogu Vam dostavljamo odgovor na zastupničku inicijativu zastupnice Sebije Izetbegović i zastupnika Selmanović Faruka.

S poštovanjem,


ŠEF UREDA

Priloga: 1.

Dostaviti:

1. Naslovu;
2. a/a.

Akt izradio: D. Vrabac



Bosnia and Herzegovina  
Federation of Bosnia and Herzegovina

CANTON SARAJEVO  
Anti-Corruption Office

Broj: 20-04-341-871/26 DV  
Sarajevo, 08.06.2026. godine

**SKUPŠTINA KANTONA SARAJEVO**  
**KABINET PREDSEDAVAJUĆEG I ZAMJENIKA PREDSEDAVAJUĆEG**  
**SKUPŠTINE KANTONA SARAJEVO**  
*n/r Predsjedavajućeg Skupštine - Elvedin Okerić*

**PREDMET:** Zastupnička inicijativa zastupnice Sebije Izetbegović i zastupnika Selmanović Faruka, odgovor, dostavlja se.-

**VEZA:** Vaš akt broj: 01-04-57021-36/25 od 26.01.2026. godine

U okviru 28. radne sjednice Skupštine Kantona Sarajevo, zastupnici u Skupštini Kantona Sarajevo Sebija Izetbegović i Faruk Selmanović uputili su zastupničku inicijativu Ministarstvu za boračka pitanja KS, Uredu za borbu protiv korupcije Kantona Sarajevo, Kantonalnoj upravi za inspeksijske poslove KS kao i Upravnom i Nadzornom odboru JU Memorijalni centar Sarajevo da se hitno izvrši sveobuhvatni nadzor nad radom Javne ustanove Memorijalni centar Sarajevo, sa posebnim fokusom na postupke zapošljavanja, angažmane putem ugovora o djelu, finansijsko poslovanje ustanove, te stanje međuljudskih odnosa i radno-pravni status uposlenika.

S tim u vezi, obavještavamo Vas da je Ured u međuvremenu okončao postupak provjere navoda o nepravilnostima te prikupljanje relevantnih podataka i informacija od nadležnih organa. Na osnovu izvršene analize prikupljene dokumentacije i podataka, za vremenski period 2024-2025.godina, Ured je u radu JU Memorijalni centar Sarajevo uočio više nepravilnosti u oblasti zapošljavanja, odnosno uočeni su propusti u pojedinim konkursnim procedurama. Također su uočene nepravilnosti u kontekstu angažovanja osoba putem ugovora o djelu i autorskih ugovora.

Nakon okončanja postupka provjere, Ured je o svojim nalazima informisao resorno Ministarstvo za boračka pitanja Kantona Sarajevo, uz preporuku da prilikom razmatranja izvještaja o radu ustanove uzme u obzir uočene nepravilnosti, da razmotri odgovornost rukovodstva ustanove u skladu sa zakonskim ovlaštenjima i da po potrebi inicira daljnje postupke pred nadležnim organima. Ujedno, Ured je informisao Ministarstvo da su za veći dio utvrđenih nepravilnosti već izrečene prekršajne sankcije od strane nadležnih inspeksijskih organa, te da je prilikom eventualnog daljnjeg postupanja neophodno voditi računa o primjeni principa "ne bis in idem", odnosno zabrane dvostrukog kažnjavanja za isto djelo, u skladu sa važećim pravnim standardima.

Napominjemo da je informacija Ureda prema resornom Ministarstvu sačinjena sa aspekta prevencije i suzbijanja korupcije, s ciljem osiguranja zakonitog, transparentnog i odgovornog rada javne ustanove Memorijalni centar Sarajevo. Istovremeno, važno je naglasiti da uočene nepravilnosti, iako ozbiljne, same po sebi ne predstavljaju nužno koruptivno ponašanje u smislu važećih propisa,

imajući u vidu da u konkretnom slučaju nisu utvrđene činjenice koje bi nedvosmisleno ukazivale na postojanje elemenata korupcije, već se prije svega radi o kršenju relevantnih zakonskih i podzakonskih odredbi, pri čemu se ova ocjena zasniva isključivo na raspoloživim podacima i dokumentaciji u okviru provedenog postupka provjere, bez prejudiciranja eventualne druge pravne odgovornosti.


Do dana sačinjavanja ove informacije, Ured nije zaprimio povratno očitovanje Ministarstva o poduzetim aktivnostima niti o ishodu razmatranja predmetnog slučaja.

S poštovanjem,

Dostaviti:

1. Naslovu;
2. a/a.

*Akt izradio: D. Vrabac*



Bosna i Hercegovina  
Federacija Bosne i Hercegovine  
KANTON SARAJEVO  
Ministarstvo za boračka pitanja



Босна и Херцеговина  
Федерација Босне и Херцеговине  
КАНТОН САРАЈЕВО  
Министарство за борачка питања

20  
2562

Bosnia and Herzegovina  
Federation of Bosnia and Herzegovina

CANTON SARAJEVO  
Ministry of Veteran's Affairs

11-06-2026

Broj: 06-04-29944-4/26  
Sarajevo, 09.06.2026. godine

**URED ZA BORBU PROTIV KORUPCIJE**

Ulica Reisa Džemaludina Čauševića 1  
Sarajevo  
n/r Šef ureda

**PREDMET: Informacija, dostavlja se**

Veza Vaš broj: 20-04-341-666/26 DV od 04.05.2026. godine

Postupajući po Vašem aktu broj i datum gornji Ministarstvo za boračka pitanja Kantona Sarajevo je donijelo Rješenje o otklanjanju nepravilnosti broj: 06-04-29944/26 od 09.06.2026. godine koje Vam dostavljamo u prilogu na znanje.

S poštovanjem,



Dostavljeno:  
-Naslovu,  
-A/a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's Affairs

Broj: 06-04-29944/26  
Sarajevo, 09.06.2026. godine

Ministarstvo za boračka pitanja Kantona Sarajevo na osnovu člana 44. Zakona o ustanovama („Službeni list RBiH“, br. 6/92 i 8/93), a u vezi sa članom 24. Odluke o osnivanju Javne ustanove „Memorijalni centar Sarajevo“ („Službene novine Kantona Sarajevo“, broj 45/23) i članom 49. Pravila Javne ustanove „Memorijalni centar Sarajevo“ („Službene novine Kantona Sarajevo“, broj 10/24) i akta Ureda za borbu protiv korupcije Kantona Sarajevo broj: 20-04-341-666/26 DV od 04.05.2026. godine, d o n o s i

### RJEŠENJE

**I** Nalaže se Javnoj ustanovi „Memorijalni centar Sarajevo“ otklanjanje svih nedostataka utvrđenih u obavljenom inspeksijskom nadzoru Kantonalne uprave za inspeksijske poslove a koji se odnose na na oblast zapošljavanja i upravljanja ljudskim resursima.

**II** Nalaže se Javnoj ustanovi „Memorijalni centar Sarajevo“ strogo poštivanje svih zakonskih, podzakonskih, općih propisa i internih akata ustanove iz oblasti radnih odnosa.

**III NALAŽE SE** hitno i potpuno obustavljanje prakse angažovanja lica putem ugovora o djelu i autorskih ugovora za poslove koji su po svojoj prirodi, opisu i kontinuitetu obuhvaćeni Pravilnikom o unutrašnjoj organizaciji i sistematizaciji radnih mjesta Javne ustanove „Memorijalni centar Sarajevo“.

**IV** Predlaže se Upravnom odboru Javne ustanove „Memorijalni centar Sarajevo“, da razmotri odgovornost rukovodstva ustanove u skladu sa ovlaštenjima.

**V** O poduzetim radnjama i mjerama u otklanjanju utvrđenih nepravilnosti, Javna ustanova „Memorijalni centar Sarajevo“ je dužna izvjestiti Ministarstvo za boračka pitanja Kantona Sarajevo bez odlaganja.

**VI** Rok za izvršenje naloženog: **ODMAH**

**VII** Rješenje stupa na snagu danom donošenja.

### Obrazloženje

U okviru 28. radne sjednice Skupštine Kantona Sarajevo, zastupnici u Skupštini Kantona Sarajevo S.I. i F.S su uputili zastupničku inicijativu Ministarstvu za boračka pitanja Kantona Sarajevo (u daljem tekstu: Ministarstvo), Uredu za borbu protiv korupcije Kantona Sarajevo (u daljem tekstu: Ured), Kantonalnoj upravi za inspeksijske poslove Kantona Sarajevo, kao i Upravnom i Nadzornom odboru Javne ustanove „Memorijalni centar Sarajevo“ (u daljem tekstu: Memorijalni centar Sarajevo), kojom se zahtijeva hitno provođenje sveobuhvatnog nadzora nad radom navedene javne ustanove, s posebnim akcentom na zakonitost postupaka zapošljavanja, angažman putem ugovora o djelu, finansijsko poslovanje ustanove, stanje međuljudskih odnosa, te radno-pravni status zaposlenika.



Dopisom Ureda broj: 20-04-341-666/26 DV od 04.05.2026. godine, ovo Ministarstvo je obaviješteno da je na osnovu pregleda i analize prikupljenih podataka i dokumentacije, Ured uočio postojanje ozbiljnih nepravilnosti u radu Memorijalnog centra Sarajevo, koje se prvenstveno odnose na oblast zapošljavanja i upravljanja ljudskim resursima. Prije svega, nesporno je utvrđeno da su u pojedinim konkursnim procedurama prekršene odredbe važećih propisa, uključujući Uredbu o prijemu u radni odnos i Zakon o radu, kroz nepravilno bodovanje kandidata. Ovakvo postupanje imalo je direktan utjecaj na konačan ishod zapošljavanja, čime je narušen princip jednakog pristupa javnim funkcijama i zakonitosti postupka. Dalje, evidentirani su slučajevi zasnivanja radnog odnosa sa licima koja nisu ispunjavala propisane uslove utvrđene internim aktima ustanove, što predstavlja dodatno odstupanje od zakonskih i podzakonskih normi, te ukazuje na nedostatak adekvatnih kontrolnih mehanizama unutar institucije. Također, uočen je značajan obim angažovanja putem ugovora o djelu i autorskih ugovora za poslove koji po svojoj prirodi odgovaraju sistematizovanim radnim mjestima. Ovakva praksa može upućivati na zaobilaženje procedura javnog zapošljavanja i smanjenje transparentnosti u radu ustanove.

Istovremeno je naglašeno da uočene nepravilnosti, iako ozbiljne, same po sebi ne predstavljaju nužno koruptivno ponašanje u smislu važećih propisa, imajući u vidu da u konkretnom slučaju nisu utvrđene činjenice koje bi nedvosmisleno ukazivale na postojanje elemenata korupcije, već se prije svega radi o kršenju relevantnih zakonskih i podzakonskih odredbi.

Članom 24. Odluke o osnivanju Javne ustanove „Memorijalni centar Sarajevo“ („Službene novine Kantona Sarajevo“, broj 45/23) i članom 48. Pravila Javne ustanove „Memorijalni centar Sarajevo“ („Službene novine Kantona Sarajevo“, broj 10/24) propisano je da nadzor nad zakonitošću rada Memorijalnog centra Sarajevo vrši Ministarstvo.

U tom smislu, Ministarstvo vrši nadzor nad zakonitošću rada Memorijalnog centra Sarajevo, prvenstveno u pogledu usklađenosti općih akata, odluka i poslovanja ustanove u skladu sa važećim propisima, pravilima ustanove i aktom o osnivanju. Ministarstvo ne provodi neposredan nadzor nad svakodnevnim aktivnostima i stručnim poslovima koji su u nadležnosti organa upravljanja, rukovođenja i nadzora ustanove. Organi ustanove samostalno odlučuju u okviru svojih ovlaštenja, a odgovorni su za zakonit i pravilan rad ustanove. Ministarstvo postupa i poduzima mjere nadzora kada se utvrde formalne ili suštinske nepravilnosti, odnosno kada nadležne institucije utvrde nezakonitost u radu ustanove. U takvim slučajevima Ministarstvo može donijeti rješenje kojim nalaže otklanjanje utvrđenih nepravilnosti u određenom roku, pri čemu ne može ulaziti u svakodnevne aktivnosti ustanove koje su u nadležnosti njenih organa upravljanja, rukovođenja i nadzora.

Dalje, Zakonom o ustanovama („Službeni list RBiH“, br.6/1992 i 8/1993) je propisano da nadzor nad zakonitosti rada vrši nadležni organ uprave na čijem je području sjedište, ako zakonom nije drugačije određeno, a članom 45. istog Zakona propisano je da nadzor nad stručnim radom ustanove obavlja zakonom propisani organ. U konkretnom slučaju nadležan organ je Kantonalna uprava za inspeksijske poslove putem Inspektorata rada, zaštite na radu i socijalne zaštite. Također, postupak zasnivanja radnog odnosa u javnim ustanovama definisan je Uredbom o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, br. 19/21, 10/22, 28/23 i 32/24) kojom je propisano da inspeksijski nadzor nad primjenom uredbe vrši Kantonalna uprava za inspeksijske poslove putem Inspektorata rada, zaštite na radu i socijalne zaštite.

Inspektorat rada u toku vršenja nadzora u predmetu UP-1-14-09-30-26265/25 uočio je postojanje nepravilnosti u postupku zapošljavanja određenih lica. Nadležni inspektor je izdao prekršajne naloge prema pravnom i odgovornom licu i upoznao oštećenu kandidatkinju S.Š.R. o zaštiti njenih prava putem suda. S tim u vezi Ministarstvo u cilju osiguranja zakonitog, transparentnog i odgovornog rada Memorijalni centar Sarajevo, nalaže da u postupcima zasnivanja radnih odnosa strogo poštuje zakonske, podzakonske propise i opće akate Javne ustanove.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

Inspektorat rada u predmetu broj: UP-1-14-09-30-25404/25 utvrdio je postojanje nepravilnosti u vezi zaključenja ugovora o djelu za poslove koji po svojoj prirodi odgovaraju sistematizovanim radnim mjestima, postupanje okarakterisano kao postupanje suprotno članu 4. Zakona o radu, za što je nadležni inspektor izdao prekršajni nalog.

Naglašavamo da je ugovor o djelu institut obligacionog prava, koji je regulisan Zakonom o obligacionim odnosima, te se istim ne može regulisati radni odnos. Radni odnos se može regulisati isključivo Zakonom o radu i Uredbom o postupku prijema u radni odnos u javnom sektoru na teritoriji Kantona Sarajevo, te se shodno tome nalaže se Memorijalnom centru Sarajevo strogo poštivanje navedenih propisa.

Ministarstvo predlaže Upravnom odboru Memorijalnog centra Sarajevo da u skladu sa dužnostima Upravnog odbora definisanim članom 27., a u vezi sa članom 36. Pravila Javne ustanove „Memorijalni centar Sarajevo“, razmotri eventualno postojanje osnova za odgovornost odgovornog lica ustanove zbog postupanja suprotno odredbama člana 22. stav (1) tačka a) Uredbe o postupku prijema u radni odnos u javnom sektoru na teritoriji Kantona Sarajevo. Navedeno se, između ostalog, predlaže jer je nadležni inspekcijски organ utvrdio nepravilnost u predmetu broj: UP-1-14-09-30-25404/25 kada je utvrđeno da su navodi iz zaprimljenog zahtjeva proslijeđenog od Ureda za borbu protiv korupcije osnovani, te je zbog navedenog inspektor rada prema pravnom i odgovornom licu djelovao izdavanjem prekršajnog naloga zbog postupanja suprotno članu 3. Uredbe o postupku prijema u radni odnos u javnom sektoru na teritoriji Kantona Sarajevo i suprotno članu 108.stav (1) Zakona o radu („Službene novine Federacije Bosne i Hercegovine“, br.26/16, 89/18, 44/22 i 39/24). Neophodno je voditi računa o primjeni principa ne bis in idem, odnosno zabrane dvostrukog kažnjavanja za isto djelo u skladu sa važećim pravnim standardima.

Shodno navedenom, a cjeneći informaciju Ureda za borbu protiv korupcije u kojoj je navedeno da su u radu Memorijalni centar Sarajevo uočene konkretne i dokazive nepravilnosti u oblasti zapošljavanja, a koje same po sebi ne predstavljaju nužno koruptivno ponašanje u smislu važećih propisa, da u konkretnom slučaju nisu utvrđene činjenice koje bi nedvosmisleno ukazivale na postojanje elemenata korupcije, Ministarstvo za boračka pitanja Kantona Sarajevo u cilju osiguranja zakonitog, transparentnog i odgovornog rada javne ustanove, donosi rješenje kao u dispozitivu.

#### **Pouka o pravnom lijeku:**

Ovo Rješenje je konačno u upravnom postupku i protiv njega se ne može izjaviti žalba ali se može pokrenuti upravni spor kod Kantonalnog suda u Sarajevu u roku od 30 dana.



Dostaviti:

1. JU „Memorijalni centar Sarajevo“
2. Upravni odbor JU „Memorijalni centar Sarajevo“,
3. Nadzorni odbor JU „Memorijalni centar Sarajevo“,
4. Ured za borbu protiv korupcije Kantona Sarajevo,
5. Evidencija,
6. Arhiva.



Adresa: Reisa Džemaludina Čauševića  
Tel: + 387 (0) 33 562-012, Fax: + 387 (0) 33 562-401  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)